

## **Gamo - Agape Geeshsha Maxaafataka - God's Love Letter Scriptures**

**Yohannisa 15:9 Aaway tana dosidayssatho takka intena dosadis; hessa gish inte ta siiqon diite.**

**Isayaassi 43:1,2 - Efesoone 2:10 Hessika Xoossi kase koyro giigissi woththida lo7o ooso nuni ooththana mala Yesus Kirstoosa baggara nuni nam7antho medhetidaytanne Xoossa medhetethata.**

**Ermaasa 1:5 - Galatiya 1:15 Gido attin kase koyro tani ta aayi ulon dishin baasi dooridi ba kiyatethan tana xeygida Xoossay**

**Yohannisa 15:16 Ta intena dooradis attin inte tana dooribekketa; inte biidi daro ayfe ayfana mala inte ayfey eqqi daana mala ta intena wothadis; hessa gish inte ta sunthan woossidayssa wursi Aaway intes immana.**

**3 Yohannisa 1:2 Ta ishazo! Ne shempoy lo7on diza mala ne asatethay lo7o daana malanne ne ooththizazi wurikka nees giiga gidana mala ta nees woossays.**

**Isayaassi 43:4 - 1 Phexroosa 2:9,10 Inte qas dhumappe gede daro malalisiza iza poo7okko xeygida malalisiza Xoossa ooththo awajjanas doorettida yeleteth, Kawo Qeeseta, Xoossi intena baas histida inte dumma dereta. 10 Inte kase Xoossa dere gidekketa shin ha7i gidikko inte Xoossa dere. Inte kase intes Xoosse qadhetonta derekko shin ha7i gidikko qadhetides.**

**Ermaasa 31:3 - Efesoone 1:4 Nu iza sinthan geeshshinne wosoy bayndayta gidana mala buro alamey medhetanappe kase ba siiqon Kirstoosa baggara nuna doorides.**

**2 Ximtoosa 1:9 Nu aykkokka ooththida gish gidonta dishin ba qofa malanne ba kiyatetha mala nuna ashshidaynne nuna erays dummasidi izi xeygides. He iza kiyatethay merna wodeppe kase Yesus Kirstoosa baggara nuus imettides.**

**Yohannisa 3:16 Xoossa Naa ammanizay wuri merna de7o demmanappe attin dhayonta mala Xoossi hayssa alameza daro siiqida gish ba mexi issi naaza immides.**

**Hosee 11:8; Isayaassi 49:15,16; & Isayaassi 41:13,14**

**Luqaasa 12:32 Inteno guutha wude mehe mala gididayto! Kawoteth  
intes immanas inte Aawas lo7o qofa gidida gish babbofte.**

**Matoosa 28:18-20 Yesusikka bana kaallizaytakko shiiqidi “Saloninne  
sa7an godateththi taas imettides. Hessa gish biidi dere ubba Aawa,  
Naazanne Xillo Ayana sunthan xammaqishe; tana kaallizayta  
ooththite; ta intena azazidayssa wursi naagana mala tamarsite.  
Takka alame wurseth gakkanaas ta intenara days” gides.**

**Yohannisa 14:1 Kaaleththidka Yesusi “Inte woznay metotoppo; Xoosse  
ammanite; tanaka ammanite.**

**Mazamure 23:1 - Yohannisa 10:11 Ta lo7o heemmizade; lo7o  
heemmizadey ba shempo ba dorsata gish aaththi imees.**

**Mazamure 23:2 - Yohannisa Ajjuta 7:17 Algazas giddo addan uttida  
dorsay ista heemizade gidana. Istaka gede de7o haaththa pultoy  
dizaso kaalethana. Xoossi ista ayfeppe afuntha quccana” gides.**

**Mazamure 23:3,4 - Luqaasa 1:79 Hessika dhuman dizaytassinne hayqo  
kuwa giddon dizaytasikka poo7isana malanne nu tohotakka  
sarotetha oge kaalethanassa” gides.**

**Mazamure 23:5,6 - 2 Qorontoose 1:10 Izi nuna hessa mala opponta  
hayqoppe ashshides. Ha7ikka wodepppekka izi nuna ashshanayssa  
nu ammanettos.**

**Piliphisiyoose 4:7 Asa qofappe bollara diza Xoossa sarotethi inte  
woznanne inte qofa wursi Yesus Kirstoosan naagees.**

**Leemisora 3:24 & Mazamure 4:8 - Yohannisa 14:27 Ta intes saroteth  
gido aggada bays; ta sarotethikka ta intes immana; ta intes immiza  
sarotethi alamey immiza sarotetha mala deenna. Inte woznay  
hirgofonne babbofo.**

**Mazamure 33:18 - 1 Phexroosa 3:12 Goda ayfeti xillota bagga xelettes.  
Iza haythetika ista woossa siyanas doya deettes. Hinko iita  
ooththizayta qas Goday ba hanqo ayfeso bessana” gides.**

**Oroome 5:2 Hayssa ha ammanozan minni diza kiyatethan nuni geliday  
iza baggara gidida gish ufayssan Xoossa boncho gishetti ekizayta  
gidida gish nu ufayoos.**

**Isayaassi 55:12 - Luqaasa 19:40 Izikka istas zaaridi “Hayti co7u  
gidakkonne shuchchatikka waassana” gides.**

**Yohannisa 16:22 Hessatho inteka ha7i muuzoteta; qasse ta intena  
beyana inte woznaykka ufayettana; inte ufaysa zaari ekanadey**

deenna.

**Luqaasa 12:9 Gido attin asa sinthan tana kaadidadey Xoossa Kiitancha sinthan kaadettana.**

**Matoosa 10:30 Haray atto shin inte hu7e binanaykka tayibon dees.**

**Isayaassi 54:10 - Matoosa 24:35 Saloynne sa7ay aadhdhana shin ta qaalay gidikko mulekka aadhdhenna.**

**Matoosa 11:28-30 “Toohoy deexxidayto, daaburidayto inte wurikka taakko ha yiite; takka intes shempo immana. 29 Ta qambara tookkite; taappekka tamarite; tani ta woznan aadanne ashke; inte shempos inte shempo demmania. 30 Ta qambaray shaykonne ta toohoy kawushsha” gides.**

**Solomoone 2:10 & Hosee 2:14,19,20**

**2 Qorontoose 11:2 Issi gelonta geeshsha geela7oya ba geela7ottethan issi azinas giigiza mala takka intena Kirstoosas giigissida gish ta inte gish lo7o qofa qoppays.**

**Exodus 3:14 - Ibraawe 13:8 Yesus Kirstoosi hachchika wontoka mernaska izi izakko!**

**Hosee 13:4 - Hawaareta Ooso 4:12 Atotethi hara oonanka ba; saloppe garsa baggara nu asa nayti attana mala nuus imettiday hayssafe hara sunthi deenna” gides.**

**Yohannisa 15:14 Ta Intena azazizayssa ubba inte polikko inte ta laggeta.**

**Yohannisa 14:6 Yesusikka izas “Ogeynne, tumay, de7oyka tana; ta baggara gidikkofe attin oonikka Awakko baana asi deenna.**

**Yohannisa Ajjuta 3:20 Hekko! Tani pengen eqqada xeygays; oonikka ta qaala siydi ba pengeza taas doyikko ta izakko gelada izaadera maana. Izaadeyka tanara maana.**